

薩遮尼乾子受記經

才十

百五十  
大十

48284



元祿九年丙子二月日重脩

皇圖聖圖 帝漸綴昌

佛日增輝 懋輪崇轉

山城州天安寺法金剛院置



薩遮及軋子受記經卷第十

大

元魏三藏 菩提留支 譯

說法品第十之二

尔時慧命大目犍連白佛言世尊此薩遮及  
軋子現此外道相教化幾所衆生發阿耨多  
羅三藐三菩提心佛告目連目連汝今問我

此事天人聞說皆悉迷没除諸菩薩摩訶薩  
衆目連我今說其少分令衆生入薩遮善男  
子以種種形種種色種種威儀教化衆生發  
阿耨多羅三藐三菩提心目連如須彌山微  
塵數等衆生住外道法中薩遮善男子行外  
道法教化今發阿耨多羅三藐三菩提心四



天下微塵數等衆生住遮羅伽外道法中薩  
遮善男子行遮羅伽法教化令發阿耨多羅  
三藐三菩提心八万四千恒河沙等衆生住  
波利婆闍外道法中薩遮善男子行波利婆  
闍外道法教化令發阿耨多羅三藐三菩提  
心十恒河沙等衆生樂聲聞行薩遮善男子  
現聲聞行教化令住聲聞菩提後發阿耨多  
羅三藐三菩提心過是聲聞數等身現行辟  
支佛形教化令發阿耨多羅三藐三菩提心  
無數衆生薩遮善男子行菩薩道教化令發  
阿耨多羅三藐三菩提心應見帝釋身而受  
化者即現帝釋身教化衆生應見梵王身而

受化者即現梵王身教化衆生應見轉輪王  
身而受化者即現轉輪王身教化衆生應見  
四天王身而受化者即現四天王身教化衆  
生應見緊那羅身而受化者即現緊那羅身  
教化衆生應見阿修羅身而受化者即現阿  
修羅身教化衆生應見迦樓羅身而受化者  
即現迦樓羅身教化衆生應見摩睺羅伽身  
而受化者即現摩睺羅伽身教化衆生應見  
人身而受化者即現人身教化衆生應見女  
身而受化者即現女身教化衆生應見童男  
童女身而受化者即現童男童女身教化衆  
生應見地天身而受化者即現地天身教化

衆生應見同生天身而受化者即現同生天  
身教化衆生應見聖人身而受化者即現聖  
人身教化衆生應見摩那婆身而受化者即  
現摩那婆身教化衆生應見比丘比丘身  
而受化者即現比丘比丘身教化衆生應  
見優婆塞優婆夷身而受化者即現優婆塞  
優婆夷身教化衆生目連薩遮善男子現如  
是等一切種種無量身相教化如是無量衆  
生發阿耨多羅三藐三菩提心目連白佛言  
世尊薩遮善男子供養幾所諸佛佛告目連  
目連地界水界火界風界虛空分界等悉可  
量數而薩遮善男子以種種身所供養佛不

可量數

授記品第十一

尔時大德摩訶迦葉告薩遮善男子言善男子汝已供養無量諸佛具足成就無量無邊諸功德聚何故不成阿耨多羅三藐三菩提薩遮荅言大德迦葉我若有見此是菩提此是證者我應得阿耨多羅三藐三菩提迦葉言薩遮善男子無量無邊菩薩發阿耨多羅三藐三菩提心可不已成阿耨多羅三藐三菩提當成阿耨多羅三藐三菩提現成阿耨多羅三藐三菩提也薩遮荅言大德迦葉汝今所言無量無邊諸衆生等成阿耨多羅三

藐三菩提者此是憍慢衆生之數何以故大  
德迦葉於第一義中菩提不可得菩薩不可  
得何以故大德迦葉言菩提者名爲無爲菩  
提者離一切數菩提者非色法菩提者不可  
見菩提者非青非黃非赤非白非紅非黑非  
玻黎色無色無形無相無表過一切相無依  
離一切依無物離一切物無相離一切相不  
可言不可說不可見不可和合知不可別異  
知非闇非明無形無相無可觀非言語離言  
語不可觸不可知不可聞非音聲非口導無  
擁無礙無縛無脫非染非瞋非癡不可以一  
切事示現不可說大德迦葉菩提體如是相



彼不可以身證不可以心知何以故大德迦  
葉是身無知如草木是身無覺如石壁是身  
無識如鏡像是故不可以身得菩提大德迦  
葉心亦不可見不可示是故不可以心得菩  
提大德迦葉衆生不可見無衆生故是故不  
得阿耨多羅三藐三菩提大德迦葉一切諸  
法若如是者云何迦葉而作是言汝已供養  
無量諸佛滿足無量無邊功德何故不成阿  
耨多羅三藐三菩提爾時會中諸菩薩摩訶  
薩優婆塞優婆夷釋提桓因四天王梵天王  
等一切大衆作如是念如來卅尊應除我等  
疑惑心故隨我心信應與薩遮善男子授阿

耨多羅三藐三菩提記於幾所時當成阿耨  
多羅三藐三菩提於何等劫何等出世何等  
國何等姓何等家何等眷屬云何出家何等  
樹下成阿耨多羅三藐三菩提成阿耨多羅  
三藐三菩提已佛名何等幾時住世幾衆集  
會亦時世尊知彼衆會諸菩薩摩訶薩比丘

比丘居優婆塞優婆夷釋提桓因四天王梵  
天王等心之所念諸覺觀已告文殊師利法  
王子言文殊師利此薩遮善男子過此賢劫  
復過無量無數劫已當成阿耨多羅三藐三  
菩提佛名實慧幢王世界名善觀名稱彼世  
界中無諸怨敵文殊師利彼善觀名稱世界

莊嚴希有殊特極妙可樂其地七寶間錯莊嚴城郭周匝七寶牆障百千萬重其中復有七百千萬重大香水海周匝圍遶七百千萬大毗瑠璃摩尼寶珠以為門闕十百千萬閻浮檀金以為羅網遍覆世界十百千萬摩尼寶間錯其闕懸十百千萬師子愛摩尼寶遍諸宮殿以為嚴飾十百千萬師子幢摩尼寶莊嚴街道十百千萬火幢摩尼寶日夜常然普照世界十百千萬七寶和鈴常出妙聲遍諸世界豎十百千萬摩尼寶高幢普遍世界懸十百千萬金幡置在高幢文殊師利彼善觀名稱世界地平如掌寶樹普覆諸草柔軟右

旋宛轉如善巧畫如孔雀項毛其觸柔軟如  
迦陵伽鳥遍覆世界十百千万妙莊嚴園遍  
滿世界一一園中十百千万諸大寶池普遍莊  
嚴一一池皆八道側方八楞摩尼寶以為間錯  
閻浮檀金沙遍布其底一一池中皆各滿足八  
味香水七寶鉢頭摩華以覆水上崑崙遮鳥耆  
婆耆婆鳥常出妙聲遍諸世界文殊師利彼  
善觀世界有八千万城邑聚落遍滿國土以  
為莊嚴一大城中有十百千万小城以為莊嚴  
一切城邑皆亦如是一一城邑一一聚落滿  
百千万男子女人童男童女文殊師利彼善  
觀名稱世界中有一四天下名曰見者歡喜

世界諸四天下此最勝妙人民熾盛安隱快  
樂實慧幢王如來應正遍知彼世界中出現  
於世文殊師利彼實慧幢王如來生婆羅門  
家母名速行如我現世母名摩耶父名梵才  
如我現世父名白淨王兒名名稱如我現世  
子名羅睺羅妻名大慧如我現世釋種瞿夷  
乳母名大稱如我現世摩訶波闍波提瞿曇  
彌奉侍人名常隨順如我現世闍陀迦馬名  
大速如我現世馬王捷陟實慧幢王如來乘  
彼大速踰城出家如我現世所乘捷陟馬王  
出家彼佛道場名曰法尚實慧幢王如來於  
彼道場成阿耨多羅三藐三菩提如我現在

寂滅道場彼道場樹有八十萬百千萬億樹  
以爲眷屬文殊師利實慧幢王如來於彼劫  
中出世之時無諸魔怨及魔眷屬文殊師利  
彼實慧幢王如來成阿耨多羅三藐三菩提  
時彼世界中所有衆生一切執持種種華香  
塗香末香散香作諸種種伎樂歌舞一時往  
詣法尚道場乃至阿迦尼吒天一切天衆作  
諸種種天妙伎樂集彼道場一切夜叉衆作  
諸伎樂集彼道場彼世界中所有一切乾闥  
婆衆一切阿修羅衆一切迦樓羅衆一切緊  
那羅衆一切摩睺羅伽衆各作百千萬種伎樂  
與其眷屬集會道場東方南方西方北方四

維上下無量無邊世界菩薩俱來集會文殊師  
利實慧幢王如來初成正覺爲彼時會所集  
大衆說此菩薩行方便境界奮迅大法門有  
無量百千萬億那由他修多羅以爲眷屬文  
殊師利彼實慧幢王如來說此法門時恒河  
沙等衆生得不退轉阿耨多羅三藐三菩提

文殊師利彼實慧幢王如來出世不說三乘  
教化之法何以故彼佛國土無諸聲聞辟支  
佛人彼世界中所有衆生皆信一乘皆信菩  
薩上妙勝行文殊師利彼實慧幢王如來初  
集會時有諸無量恒河沙等不退菩薩而來  
集會第二會時有八十億百千萬那由他一

生補處菩薩而來集會第三會時有六十頻  
婆羅菩薩而來集會文殊師利次於後時無  
量無邊衆生得不退轉阿耨多羅三藐三菩  
提心文殊師利彼實慧幢王如來得阿耨多羅  
三藐三菩提已六十小劫住世說法後入涅  
槃佛涅槃後正法住世八十万億百千億那  
由他劫正法流行教化衆生人衆多少所得  
利益如佛在世所度不異文殊師利彼實慧  
幢王如來臨涅槃時與大幢王菩薩授記然  
後入般涅槃作如是言大幢王菩薩次我後成  
阿耨多羅三藐三菩提名大莊嚴如來應正  
遍知亦時大衆欲知衆中何者是彼大幢王



菩薩次彼實慧幢王如來後成阿耨多羅三  
藐三菩提何者名大莊嚴如來應正遍知  
時世尊知彼時衆覺觀心念知心念已告文  
殊師利法王子言文殊師利此薩遮善男子  
座前坐者名實喜摩那婆於一切弟子衆中  
最為第一此摩那婆於彼時中成大莊嚴如  
來應正遍知彼佛世界莊嚴勝妙如實慧幢  
王如來世界不異尔時會中聞說彼佛國土  
勝妙功德莊嚴彼六十百千万億那由他菩  
薩願生彼國作如是言此實慧幢王如來成  
佛之時願我往生彼佛國土尔時世尊即與  
授記皆當往生彼佛國土八十千万及尔子

衆一時同聲作如是言世尊我亦願往生彼  
佛國世尊亦即皆與授記汝善男子一切皆  
當生彼佛國八千萬億那由他天子虛空界  
中作如是言世尊我等亦願實慧幢王如來  
得喜提時俱往生彼善觀名稱世界得見彼  
佛不可思議功德莊嚴清淨國土時佛即告  
彼諸天子諸善男子汝等皆當生彼善觀名  
稱世界供養彼佛諸天子汝等亦當在彼善  
觀名稱世界皆成阿耨多羅三藐三菩提種  
種名字壽命住世劫數多少如彼實慧幢王  
如來住世不異彼時三千大千世界六種震  
動大地涌出百千萬億鉢頭摩華閻浮檀金

爲葉大青因陀羅摩尼寶以爲其臺碼碯日  
光寶爲鬚大毗瑠璃摩尼寶以爲其莖彼諸  
一切鉢頭摩華一一華上見有無量百千萬  
億諸菩薩衆結加趺坐三十二相八十種好  
莊嚴其身一切皆共歸命如來彼諸菩薩各  
以種種寶雲羅網奉施如來作如是言世尊  
我等種種世界來詣佛所爲聞佛說不可思  
議示現菩薩功德法門爲見如來禮拜如來  
供養如來爲見薩遮大善男子爲欲見此大  
會所有諸菩薩衆如來說此妙法門時於不  
可思議佛國土中無量無邊諸來菩薩皆得  
不退阿耨多羅三藐三菩提爾時世尊欲重

宜此義而說偈言

一心攝諸根

聽我說妙法

如來無妄語

諸佛不虛說

薩遮及大眾

未來無量世

過不可數劫

無刺淨劫中

尔乃得成佛

号實慧幢王

時世無垢害

故名無刺劫

時彼佛世界

号善觀名稱

具足諸功德

天人皆歎仰

國界諸莊嚴

一切皆殊妙

門闕諸樓閣

百千諸寶成

閻浮金羅網

遍覆相映發

光明常普照

晝夜無差別

懸諸百千寶

建立師子幢

寶鈴出妙聲

說於如實法

無垢寶垣墻

過諸天宮殿

泉流諸池水

具足八美味

鉢頭摩諸華

拘迦那陀等  
彼世界住處  
是故名樂見  
母名曰速行  
如我羅睺羅  
乳母大名稱  
亦名闍厘迦  
第一最勝馬  
如我乘捷陟  
勝樹為眷屬  
字名寶慧佛  
無諸魔眷屬

鮮明滿諸池  
四天下中最  
彼處如來生  
父字名梵才  
彼夫人大慧  
如我波闍提  
如我闍厘迦  
字名曰大速  
彼佛菩提樹  
八十百千万  
坐彼道樹下  
亦無諸魔業

不雜諸塵垢  
具足妙莊嚴  
婆羅門出家  
子名曰妙稱  
如我今瞿夷  
給侍名隨順  
恭敬隨我心  
彼能出如來  
字名曰法尚  
彼樹下法王  
成於大菩提  
彼佛國土中

無有諸怨刺  
各執妙華鬘  
俱詣如來所  
無量修多羅  
聞此法門者  
彼無聲聞乘  
充滿彼淨土  
八十那由他  
諸大勝菩薩  
彼如來住世  
法燈住世間  
那由他劫住

無量諸天人  
百千諸伎樂  
如來知彼心  
以為諸眷屬  
過恒沙塵衆  
及無辟支佛  
第二時會中  
一生任補處  
六十頻婆羅  
壽命六十劫  
舍利廣流布  
利益諸衆生

俱集彼淨土  
各以恭敬心  
為說諸妙法  
彼佛初集時  
不退上菩提  
諸勇猛菩薩  
有諸菩薩衆  
第三會所集  
住於如實處  
時佛滅度後  
八十億万千  
彼佛記大幢

然後入涅槃  
彼世界莊嚴  
成無垢菩提  
無盡性常住  
未有當有事  
我任第一義  
亦不令他說  
是故汝大眾  
皆生歡喜心  
世尊悉記彼  
汝等皆往生  
即彼成菩提

佛名大莊嚴  
不異實慧佛  
汝等當信我  
遍處無障礙  
何況過去劫  
如實智慧中  
我今說真實  
聞應諦信受  
彼佛成道時  
無量諸衆生  
汝亦彼世界  
世界亦不異

名稱顯世間  
於彼國土中  
智慧如虛空  
志能見未來  
曾有而不記  
出言無虛妄  
美妙甘露法  
大眾聞佛說  
咸願生彼國  
彼佛出於世  
教化諸衆生  
說此法門時

大地六種動

蓮華中菩薩

合掌向佛言

善哉佛世尊

不可得思議

為諸無量眾

善說此法門

我等諸大眾

無量世界來

皆為欲聞此

最上妙法輪

信功德品第十二

尔時會中一切大眾皆大歡喜踊躍各各脫

身所著上衣奉施如來而作是言如來世尊

今於世間第二轉法輪如來昔於波羅柰城

初轉法輪今復於此鬱闍延城第二轉法輪

復作是言世尊我等願常不離聞此妙寶法

門願常不離薩遮善男子時虛空中諸天伎

樂妙鼓出聲天雨憂鉢羅華鉢頭摩華拘牟



頭華芬陀利華婆師迦華等滿佛足下天於  
空中雨天寶衣如雲而下而作是言若有善  
男子善女人有能受持讀誦書寫為人解說  
此妙法門彼人決定已得無量無邊功德尔  
時文殊師利法王子菩薩白佛言世尊善男  
子善女人有能受持讀誦書寫廣為人說此  
妙法門成就幾許功德佛告文殊師利法王  
子言文殊師利若有善男子善女人數此三  
千大千世界衆生若有色若無色若有想若  
無想於衆生界中所有衆生佛智慧知彼諸  
一切所有衆生一時俱生得於人身得人身  
已彼共俱修波羅蜜行一時俱成阿耨多羅

三藐三菩提彼諸佛等一劫住世有善男子  
善女人滿足一劫供養尔所諸佛如來禮拜  
恭敬尊重讚歎具足一切諸勝供養乃至一  
切華香伎樂文殊師利於意云何彼善男子  
善女人得福多不文殊師利言甚多婆伽婆  
甚多修伽陀彼善男子善女人所得功德無  
量無邊不可量不可數不可知不可說佛告  
文殊師利若有善男子善女人受持讀誦書  
寫流布爲人廣說此菩薩行方便功德法門  
所得功德過彼善男子善女人供養諸佛功  
德無量無邊不可稱數不可校量文殊師利  
白佛言世尊希有婆伽婆希有修伽陀如來

爲欲安樂一切諸衆生故說此法門復作是  
言世尊此妙法門於閻浮提幾時住世佛告  
文殊師利我涅槃時有八大國王爲欲流布  
我舍利故彼時八國分爲八分置八函中人  
取一函各還本國立大塔廟尊重供養尔時  
阿闍世王於我舍利所得一分於金疊上書  
此修多羅并與舍利一時俱置七寶函中於  
王舍大城外掘地作坑於中立塔莊嚴殊妙  
以舍利函置彼塔中懸百千万阿僧祇寶蓋  
幢幡散諸無價一切香華七寶香瓔盛滿香  
油然大燈炷滿一百年住持不滅文殊師利  
我入涅槃一百年後有阿輸迦王於毛梨家

生出現於世作轉輪王王閻浮提而得自在  
得具足力善能降伏剛強衆生彼王亦時必  
觀察我能憶念我護持我法於我身上得尊  
重心文殊師利彼阿輸迦王有一比丘名淨  
自在王子中生出家求道阿輸迦王以爲門  
師有大神力有大威德力護諸佛法護大  
方廣阿輸迦王深心尊重淨自在比丘故不  
令餘處常在王家身自供養文殊師利阿輸  
迦王爲欲流布我身舍利饒益一切諸衆生  
故歆出地下舍利寶函與諸無量大臣王子  
長者居士眷屬圍遶設大莊嚴顯大王力執  
持香華塗香末香散香作百千種諸妙伎樂

詣王舍大城設諸一切勝妙供養無量無邊  
不可稱數掘出地中舍利寶函出已七日以  
一切香一切華一切華鬘一切散香一切塗  
香一切伎樂供養恭敬滿七日已於閻浮提  
種種國土非前後時於一日一時一須臾間  
遍閻浮提一時建立八万四千佛舍利塔亦  
時淨自在比丘於彼舍利函中取此法門在  
於比廂大國土中廣宣流布文殊師利彼淨  
自在比丘雖加流布而此法門受持者少多人  
不知多人不覺多人不攝多人不受希有人  
能受持讀誦此法門者何以故此是勝法衆  
生薄福不應聞故文殊師利此妙法門人多

秘掌置經函中諸庫藏中何以故以無法器  
不應得種無上善根故何以故文殊師利此  
妙法門難信難行難量故文殊師利凡所有  
人宿無善根曾聞大乘生疑毀謗是故聞此  
無上法門不能生信不能得入文殊師利後  
末世中法欲滅時聞此法門能生信者能推  
求者能解入者文殊師利汝知此人已曾生  
養過去無量無邊諸佛善行諸行乃能信入  
此大乘門文殊師利若有善男子善女人於  
後末世聞此經名聞能生信受持讀誦書寫  
解說書已尊重供養經卷彼諸衆生應自念  
知已於過去曾見無量恒沙諸佛供養恭敬

恒沙諸佛文殊師利彼諸衆生亦見我身在  
此園中說此法門亦見此諸大會之衆尔時  
世尊告阿難言阿難汝當受持讀誦此妙法  
門爲諸衆生而廣宣說當觀衆生有大乘根  
堪信受者乃可爲說不得率尔不觀而說何  
以故薄福衆生聞生不信得罪無量故阿難  
此法門者名爲如來真實功德名爲如來秘  
密之藏名爲如來純淨妙藏名爲如來法印  
之藏名爲如來心所護藏名爲如來現實信  
藏是故阿難汝當秘掌莫卒宣說除諸佛子  
菩薩摩訶薩等何以故彼善男子於諸佛所  
深種善根能護法藏能利自己亦能利他應

爲彼說阿難言世尊我已受此淨妙法門世  
尊今此法門名爲何等云何奉持佛告阿難  
此妙法門名爲菩薩行方便境界奮迅法門  
名爲如來深秘密藏名爲如來具足功德名  
爲如來甚深境界名說一乘名爲文殊師利  
所說經名爲薩遮及卍卍字授記經名薩遮及  
卍字所說經汝今應當如是奉持如來說此  
法門時三十億那由他衆生發阿耨多羅三  
藐三菩提心六十千菩薩得無生法忍無量  
無邊衆生畢竟不退阿耨多羅三藐三菩提  
心佛說此經已慧命阿難文殊師利法王子  
菩薩及諸一切菩薩摩訶薩比丘比丘尼優



婆塞優婆夷釋提桓因四天王梵天玉天人  
阿修羅等聞佛所說皆大歡喜信受奉行

薩遮及軋子受記經卷第十

大

擁

紆拱反

闕

二同

崑

上音崑

下音崑

丸音掘

地

上其又其

勿反

甕

於貢反



